

宣  
美  
州  
志

74983

地 170, 223

139

5

部五

卷五

藝文

雜文  
記詩



藝文志 文

龍門洞記

宋蘇在廷

自蜀至京四千餘里幾半天下自利至興行五百里幾半蜀道自興三泉西行大道不能百里又自大道南行支徑不能百步山舒水湧少馬突有若觀闕者當其前迫而視之則龍門洞也其深七十三步廣半之其兩傍石壁之嵌空突怒者若耳目鼻口鱗甲跟肘俱具其下皆石爲底水紋其上若鋪筦簞石墜其間若設俎豆其兩巖瘦木翠蔓附石草生歲藜下覆若綴纓絡木蔓之

甯羌州志

藝文 卷五

文

閒布水十道後先交映若垂冕旒水落石底其勢跳瀉與石相關若濺踏雪其聲鏘鳴與洞相應若響琴筑寒清遂幽迨非人境予不能盡名其狀蓋造物者專爲是瑰詭以聳世俗天地間一尤物也循洞南升石斷山分有土田甚沃有竹箭檜柏松栴雜他卉木甚茂野人居之若桃花源者少西而升不百步泉湧地中清冷滑甘委蛇東下及洞之額而落洞不知所出相傳有螿龍騰去擘巖掀麓而爲此也故名云水出洞中北合嘉陵大江深不可涉淳化閒縣令錢侯泳始闢爲遊宴之所橋



於南北閣於下館於東亭榭臺圍於西以便遊者又南而升路益險山水益秀復得洞若重檐夏屋有石牀甚古然以道惡絕無人遊歲大旱取湫水輒應疑龍之所家以前洞爲門閭而此其堂與予蜀人往來凡十數過過未嘗不遊遊未嘗不飲酒賦詩而去洞中水石草木皆若舊識予同年友李侯請爲記予聞之山川無知以人爲榮辱峴山雖卑以叔子而顯冉溪雖秀以子厚而愚今茲洞之奇冠天下非得奇文無以稱夫文人之過其下者相躡也而獨以屬愚何哉嗟夫靈壁之石天下甯羌州志

藝文

卷五

文

二

奇翫也蓋僅有巖穴處耳以其近於中都故取重當時甚至一拳之微價累千金而彌不可得其亦巧於效技也此洞豈特百倍於靈壁乃蒼然獨秀於遠方不效技於王公貴人之前徒爲田夫漁父之所簡賤高人逸士之所耽翫蓋其拙有類予者予與舊識而辱之以予文不知山靈尚許之否

禹王廟記

明舒鵬翼

嶠冢山禹王廟成漢中府倅張侯良知甯羌州守蕭君遇禮嘗來請予記予惟古聖賢之在當時有大功德於



民者皆得立廟祀之朝廷履道建中盡倫定制毀淫翼  
正靡神不宗夏后氏紹堯舜精一之傳開子孫帝王繼  
續之統五帝讓功三王推德可千萬世祀之乃於大曆  
服之句有論誤九年詔有司立廟京師奠玉鬻牛遣官  
攝祭載登法典與祫相承若茲廟也予過屢矣南去州  
百里許東去府二百里許鳥迹獸跡通於官道歲時伏  
臘疇薦蘋蘩雖不建可也張侯書云禹都安邑安邑有  
廟崩於會稽會稽有廟惟是嶧冢漢江發源禹實經焉  
廟何可廢蕭守書云鼈靈治蜀水蜀人祀之西門豹治

甯羌州志

藝文

卷五

文

三

鄴鄴人祀之惟是嶧冢故祠遺址禹實受焉祀惡得乏  
乎予憮然喟曰昔眉山蘇軾撰韓昌黎廟碑謂公之神  
如水之在地中繫并得泉豈顛在是則夫觀河興思探  
穴增感所從來遠矣肆今之葺而廟廟而祀也允宜爾  
哉顧小子墮落歲深荒迹日久大懼不能侈一辭以發  
聖之蘊然願竊附姓名於石以垂無疆謹稽首頓首再  
拜而記其略曰當堯之時洪水滔天民遭陷溺茹毛飲  
血厥食維艱堯有憂焉舉禹治之俾繩鯀業禹自冀州  
梁岐太原岳陽覃懷至於衡漳又自積石龍門壺口雷



首底柱析城至於王屋又自嶧冢荆山內方大別衡山  
敷淺雲夢至於彭蠡蓋不敢墜塞汨亂以取震怒故浩  
浩蕩蕩東注江海禹可謂智矣禹傷先人父絲以功不  
成廼手足胼胝居外十三年過門不敢入生啟不得子  
惡衣菲食陸行乘車水行乘船泥行乘橇山行乘樅惟  
日孳孳排決濬滄弗遑甯處禹可謂孝矣方其隨山刊  
木鬼神龍蛇護惜巢穴作爲妖怪風沙晝暝迷失道路  
禹乃仰望咨嗟俄見上帝授以太上先天呼召萬靈之  
書且令其臣狂章虞餘黃魔太醫庚辰童律爲之助由

甯羌州志

藝文

卷五

文

四

是能呼吸風雷役使神物得竟開鑿之志禹可謂神矣  
四隩既宅九州攸同稷得以播百穀契得以敷五教垂  
得以司百工皋陶得以明五刑伯夷得以典三禮后夔  
得以正五音龍得以主賓任土作貢勞而不伐禹可謂  
功矣是故天錫洪範舜禪帝位致彝倫之攸敘會諸侯  
於塗山而下民底定萬世永賴孔子曰禹盡力乎瀟沔  
吾無閒然矣劉定公曰洪水橫流微禹吾其魚乎嗚呼  
禹之功史雖載之而不知其由於孝禹之智人能言之  
而不知其由於神合智與神謂之聖合功與孝謂之德



德且聖庶幾其記禹哉復作九歌俾士人誦之以侑饗  
祀歌曰泝水做堯兮汜濫國中四岳薦禹兮俾爲司空  
禹治水兮注之東方拯橫流兮爲民粒食言乘四載兮  
勞身焦思克蓋前愆兮萬世之利聲爲律兮身爲度其  
言可信兮其仁可附庶士交正兮底慎財賦不自滿假  
兮拜昌言聲教訖兮奠黎元水土平兮生齒繁洛出書  
兮錫九疇通九道兮開九州壘壘穆穆兮六府孔修娶  
塗山兮辛壬啟呱呱兮何心荒度土功兮五服弼成應  
慙數兮帝命赫泣罪人兮痛自責舞干羽兮有苗格輯  
甯羌州志

藝文

卷五

文

五

五瑞兮建皇極朝玉帛兮會萬國戮防風氏兮明黜陟  
宅百揆兮股肱良敷文命兮庶事康於堯舜兮大耿光

### 金牛峽賦

國朝劉 棨

伊維鴻蒙既闢兩儀判形山谷異位高下殊情或峻極  
於霄漢或深入乎窅冥或險而有鳥道之號或邃而有  
鬼窟之稱幽潛沈鬱突兀崢嶸固職方氏不能窮其數  
山海經不能悉其名者也若夫聳峭壁立崎削天然隱  
蔽日月吞吐雲煙盡乾坤之奧妙成宇宙之大觀孰如  
金牛峽之險互古今而無前以彼峽峙兩山中通一線



危石巉巖魂搖目眩仰視則長空如帶驚翠巒之欲合  
環顧則崇墉如削疑赤壁之互見哀行人兮地底羨松  
根兮天半極世境之酷烈兮已令人却步而思返又爲  
誰設此永巷兮長逶迤而不斷當其一天霽色萬里晴  
光亭亭日午倏爾輝煌撫清眸兮載路思白晝兮正長  
猶得挹景物以流連任緩步而徜徉若乃重陰凝閉四  
野雲同蒼煙大霧沒頂連根飛鳥悲鳴而逐伴哀猿長  
嘯以覓羣寂寞兮中道迢遞兮前村一舉足兮顛越一  
回望兮迷昏且爲慙崎嶇而上下縱呼籲兮難聞至其

甯羌州志

藝文

卷二

文

六

方幸出谷旋驚陟巖羊腸迂迴龍門悠遠摩石蹬兮峻  
嶒俯谿谷兮危棧乍屈乍伸或仰或俛急賈勇之弗避  
敢屏息而定喘李白所以興嗟於上天之難而何有於  
九折之阪是蓋帝眷王公險設重門一夫當關萬夫竊  
巡疇有德而當興遂授此凌霄之城闔即在大禹疏鑿  
四乘八載胼胝經營導河濬海亦不能假神聖之威靈  
俾岡巒之頓改維彼五丁其力伊何乃揮巨斧手擘嵯  
峨挾此移山平險之能若使之束甲而橫戈應無難取  
秦人之疆域而爲蜀氏之山河區區石牛糞金有幾乃



以開山勤勞壯士卒啟釁而招亂致隕滅其宗祀是固  
可爲貪得者之炯戒而蜀人之愚諒不至此吁嗟乎財  
役身賤利令智昏古今同慨豈惟蜀人顧此關隘之危  
峻兮宜乎人之停驂而迴輪奈何往來者之紛紛兮且  
如雨而如雲倘石牛在於今日兮或不惜造往而宵奔  
安可以舉世之通病兮獨諄讓乎蜀人

棧道栽桑記

張廷槐

古者五畝之宅樹牆下以桑通衢之旁植榆柳以表道  
是桑榆之爲用不獨可供飼蠶而並能蔭行路余任西

甯羌州志

藝文

卷五

文

七

邑時渠岸廣栽護堤也兼資歲修多植隰壤興利也並  
助女紅如武都所轄半在棧道由青羊驛接壤至蜀界  
七盤關綿延二百里皆蜀秦孔道其間多疊嶂少平原  
左右兩畔悉捐俸栽植桑苗盈萬中留丈許以通郵遞  
人行三載後根幹挺舒枝葉繁茂鬱鬱蔥蔥翠雲盤結  
不惟可坐收厚利以資亭長里正隨時修補道路之費  
而行旅負販之人當炎暑傍午時坐憩其下無風自涼  
即乘騎肩輿之客遙瞻遠矚未嘗不歎蠶叢鳥道居然  
吉壤名區也若夫蠶織之利此間本養山蠶抽絲織繭



販行川廣獲利已屬不貲加之嚴楊兩太守前後勸桑  
十餘年如大安陽平關以及各鄉隅所栽之桑早已成  
林將來新絲再上機軸爲縑爲絹利益增倍男耕女織  
戶給家饒又豈僅緣陰載道可壯郵亭驛路之色也哉

勸民種麥以濟春食記

張廷槐

嘗思業精於勤荒於嬉農民服田力穡爲尤甚古者三  
時不害而民和年豐雖賴天功實資人事羌氏地瘠民  
貧歷來專務秋禾而鮮種夏麥往往平田種稻禾山坡  
種包穀平田少而山坡廣故城市或食稻穀鄉村多食

甯羌州志

藝文

卷五

八

包穀包穀收穫在九十月之間一經秋雨綿延未有不  
青空者本歲雨多收成歉薄即其明驗也夫歲既歉薄  
復鮮蓋藏則來歲春夏之交將何以爲糊口之計是非  
急播麥種不可夫山內之所以少種麥者蓋平素喜食  
包米而麩食未慣故耳以彼江淮兗豫間夏麥秋禾歲  
有兩秋故民多饒裕山內歲止一秋民日以蹙一遇旱  
澇荒凶立著矣爾百姓值此歉薄之秋尚好逸惡勞不  
急急翻犁種麥以爲春食計入春以後必至瑣尾流離  
而室廬田畝之莫保焉追悔何及除爲爾民詳請出借



穀石以資接濟外務宜乘此曠土毋安清閑籌之於先  
事備之於當厄將和風甘雨時緣浪翻疇黃雲遍野依  
然粒我蒸民不惟爾室家之幸抑以本官所望而歡欣  
者也倘每歲均仿此勤勞歲有兩秋豈不與江淮兗豫  
媲美而曰臻饒裕也哉

創修石龍橋誌

張克溫

橋以龍名誌靈也名龍而實非龍何靈乎爾續龍脈也  
其續龍脈何鹽茶關下一帶石徑堪輿家以爲山龍過  
峽處潯有長石聳起蜿蜒水中酷似龍形脈出石甕涎

甯羌州志

藝文

卷五

文

九

注石缸靜聽石鼓動役石龜悉靈徵也至此跌斷行人  
不得過而龍脈不幾絕乎先民常支略約通往來惜難  
經久諸君子有見於此捐貲鳩工創爲橋亭不兩旬而  
工竣不啻有默助之者因妥觀音聖像一尊以益其靈  
此石龍橋之所由昉也自時厥後凡東過陽平之龍門  
洞西遊金山之龍神廟者靡不乘石龍若駕龍龕匪惟  
利有攸往龍脈之補其絕續其斷者亦於是乎在且龍  
神物也能潛能見可大可小將橋之中爲龍之宮橋之  
下爲龍之宅橋之東有龍泉則石嶺爲龍尾其所泳游



者也橋之南有龍池則龍壑爲龍項其所吸飲者也行  
見變化神奇靈妙莫測更或雷鳴電閃霞蔚雲蒸兆文  
明於山林藪澤之間以大其瑞應當不僅頌蕩平之休  
壯道路之觀已也故誌之

勸葬說

楊培庚

禮莫大於冠婚喪祭冠禮不行久矣婚祭雖不盡合古  
好禮之君子猶能隨俗救正惟喪事較大其失尤甚昔  
周公制禮自天子至庶人殯葬各有定期從無陰陽地  
師未聞其不利人民也漢晉以來始有山向年月之說

甯羌州志

藝文

卷五

文

相沿成俗牢不可破愚賤無足責詩禮之家不幸有事  
亦必延陰陽生而信任之其爲化者明路掩棺開具七  
七百期三週科儀已非儒行之宜猶爲事之無害於義  
從俗可也至以符咒鬼其親而驅除之大失仁人孝子  
尊親之意矣尤有敗禮傷教萬不可爲訓者莫如治葬  
或以爲山命年月不利子孫祭主不過或孝子延師尋  
龍希圖富貴或現在無力大葬欲顧體面遂至停柩荒  
郊有遲至數十年一兩輩者誰實作俑罪不容誅夫人  
之云亡命將焉附生前之金木水火一骸骨耳山之廣



大何所不容羅經之乾巽坤艮一土壤耳以土壤藏骸骨是以天之所生地之所養仍歸諸天地何生尅之有所以歷代山陵皆在國都之北兆域有常處是古人不擇山向也禮天子七月而葬諸侯五月大夫三月士閒月是不擇年月也春秋九月丁巳葬定公雨不克葬戊午下景乃克葬葬鄭簡公墓之室當路毀之則朝而窆不毀則日中而窆子產不毀是不擇日時也周公孔子之書豈欺我哉他如祭主不過及音郡不合之說則惑衆之妖言耳彼不葬親不主祭未嘗跳出太歲之外

甯羌州志

藝文

卷五

文

十一

尙能晏然得過獨葬祭行孝乃沖壓之使不得過豈理也哉允若是文王百男衍慶百年後崩合媳若孫計之不啻千數分論祭主必此過而彼不過是子孫愈多愈不得入土矣若姓氏之分五音如張王爲商武庚爲羽似取諧韻而以柳爲宮以趙爲角又復不類又有一姓分屬宮商雙姓莫辨徵羽無論聲音一道於造葬無涉即其字音舛錯已斷其捏造之誣葬之擇地亦是要着但取其土厚山環無有破散他日不受風水蟲蟻之害不爲道路耕犁所及可矣而必藉此希圖富貴豈知富



貴在天決非人之所能爲耶且父母一生爲子孫謀富貴劬勞已極又欲責之於其枯骨即使必效何忍停柩以待况其未必然乎又如欲顧體面而不葬尤拙鄙不堪之見孔子曰喪具稱家之有無諺云有錢埋錢無錢埋人必待富貴而後葬風飄雨灑露冷霜寒祖父之魄不安即子孫之運不昌吾見數年之後反不如前而入土時大不體面者多矣何若量力早葬之爲愈也况久淹親柩 國有常刑彼陰陽地師之葬亦多敗絕夫何見不及此徒昧良心而干例禁第歷年積習未易猝革

甯羌州志

藝文

卷五

文

十二

擬與同志約親喪當依朱子家禮殮奠治葬卒哭虞祔稱其力而行之一切符咒之術勿用所謂葬之以禮也擇期當依 御製時憲書所載不必另延地師在昔伊川先生不用浮屠雜邑士夫化之十餘年後野無不葬之樞斯誠禮義之俗矣士爲四民之首果於此等大事不同流俗一二人倡之同志君子轉相效慕之將見死安生順革薄從忠蒸蒸然不懈而及於古或亦秉正息邪之一道也

李國瀛傳

趙亮熙



公諱國瀛字仙洲陝西甯羌州人也世爲江南名族祖  
上有字玉書者始遷秦三傳至作梁公嘉慶戊子武舉  
生篤生公嘉慶丙子武舉篤生公公父也先是滑匪滋  
擾河南篤生公以武生投効克復滑城積功至五品後  
以武舉從楊忠武公征張格爾當是時大軍圍逼張格  
爾竄鐵蓋山負隅自固篤生公謂同官曰不入虎穴焉  
得虎子我輩受國家豢養恩以身許國畏死非夫也請  
於帥得驍將七人從山左緣壁上夜深奮力格殺大呼  
曰官軍至矣賊衆驚潰遂乘閒縛張格爾以獻凱還六

甯羌州志

藝文

卷五

文

十三

君皆不次超遷篤生公獨阻上聞公憤父之建奇勳而  
不蒙上賞也益下帷自奮枕藉圖史無間星霜甲辰以  
優廩生舉於鄉丁未成進士卽用知縣初入山西獻局  
大吏以公年少恐不諳吏治試以疑獄公平心訊鞫皆  
得其情令權五寨五寨者巖疆也地瘠民貧公教之樹  
畜獎勤懲惰民有不法罰植桑若干株乃今富庶比膏  
腴焉旋署平遙以父憂回里治喪畢率邑人創建試院  
成先志也乙卯服闋歷署滎河定襄授榆社再調洪崖  
初公廉得滎河痼弊錢糧爲最每收納胥吏侵蝕中飽



小民輒匿山谷閒長官追比株連井里甫下車卽量減  
浮收嚴懲吏之骫法者一邑肅然得徵如額生平米嘗  
有所操切民有爭訟從容諭導榆社風俗與五寨同而  
民氣特競悍盤馬彎弓日事角逐公取小學幼儀諸書  
爲之講說期年糾糾之風遂革歲大旱爲民乞賑不待  
憲議遽開倉廩同官阻之公曰饑民朝不及夕若更往  
返數十日誰能起白骨而生之有罪我獨當公等無與  
也救民無算喜論文以清真雅正爲宗屢主漢南書院  
講席得公指授者皆掇巍科某年丁母艱茹戚沈痛無

甯羌州志

藝文

卷五

文

十四

異父憂時同治中回榆蔓延秦晉大憲稔公能俾宰洪  
洞公編聯保甲練勇峙糧羽書旁午日昃不暇六年冬  
股匪小閭王突臨城下激勵民團嚴兵守衛家人亦遣  
登陴賊環攻無隙乃遁以衛城功升知府然而冰城雪  
壘鏖戰連旬饑不暇食寒不及衣城以是存疾由是起  
矣明年就醫回省十一月卒於太原公博極羣書勤於  
政事嘗質明而起午夜猶秉燭事無鉅細不假之人雖  
以洪崖之衝要内外交迫猶手不釋卷遇切要則鈔錄  
之立見施行或以爲政之道問公曰推赤心入人腹中



而又因勢利導嚴束家丁無信役吏使官民一氣相通  
申公不云乎爲治不在多言顧力行何如耳故歷任繁  
區皆有政聲不更張成法而利弊興除不好行小惠而  
羣黎遍德每之他任父老攀轅臥轍榮河榆社愛戴尤  
深去之日日暮行旌猶繚繞城中其深得民心類如此  
平生無玩好琴書之外澹如也子弟之在署中不許與  
聞公事課之讀雖成人督責如兒時丈夫子四蔚霖廩  
膳生四川銅梁縣知縣蔚澍山西甯化司巡檢蔚文廩  
膳生湖南候補通判蔚霞候選從九夫人熊氏後公十  
甯羌州志

藝文

卷五

文

十五

餘年卒亮熙於公爲年家子與哲嗣交久聞公嘉言懿  
行最悉乙酉奉

命典試奉中門下之謁見者詢之皆無異詞故能備述也贊

曰篤生公發憤忠義之身未溼論功之典而公以名進  
士顯於世非所謂不於其身必於子孫哉公仕晉數十  
年遺愛在人賢勞獨著蒸蒸吏治兼有父風故能捍衛  
孤城建功民社乃五馬之榮甫晉千丈之松遽摧式聆  
清芬再瞻奕禩豈偶然歟士大夫有載德而位不光者  
視此可奮然興矣



藝文志詩


龍門山

唐沈佺期

龍門非禹鑿詭怪乃天工西南出巴峽不與眾山同長  
竇互五里宛轉復嵌空伏濡岫潛石瀑水生輪風流水  
無晝夜噴薄龍門中潭河勢不測藻葩垂彩虹我行當  
季月煙景共春融江關勤亦甚巘嶠意難窮誓將息幾  
事鍊藥此山東

三泉

蘇頲

三月松作花春行日漸賒竹障山鳥路藤蔓野人家壁  
甯羌州志  藝文 卷五 詩 十六  
石飛泉下尋雲絕磴斜明珠常泛白徹底靜無加

送楊長史入川

王維

褒斜不容幘之子去何之鳥道一千里猿聲十二時官  
橋祭酒客山木女即祠別後同明月君應聽子規

龍門閣

杜甫

清江下龍門絕壁無尺土長風駕高浪浩浩自太古危  
塗中縈盤仰望垂綫縷滑石欹誰鑿浮梁裊相柱目眩  
隕雜花頭風吹過雨百年不敢料一墜那得取飽聞經  
瞿塘足見度大庾終身歷艱險恐懼從此數



飛仙閣

杜甫

土門山行窄微徑緣秋毫棧雲闌干峻梯石結構牢萬壑欹疏林積陰帶奔濤寒日外淡泊長風中怒號歇安在地底始覺所歷高往來雜坐臥人馬同疲勞浮生有定分饑飽豈可逃歎息謂妻子我何隨汝曹

聽嘉陵江水

杜甫

鑿崖泄奔湍古稱神禹迹夜喧山門店獨宿不安席水性自云靜石中本無聲如何兩相激雷轉空山驚

石櫃閣

杜甫

甯羌州志

藝文

卷五

詩

季冬日已長山晚半天赤蜀道多早花江閒饒奇石石櫃曾波上臨虛蕩高壁清暉回羣鷗暝色帶遠客羈縲赴幽意感歎向絕迹信甘孱懦嬰不獨凍餒迫優游謝康樂放浪陶彭澤吾衰未自安謝爾性所適

題嘉陵驛

武元衡

悠悠風旆繞山川山驛空濛雨似煙路半嘉陵頭已白蜀門西上更青天

詠嘉陵江

薛逢

借問嘉陵江水湄百川東去爾西之但教清淺源流在



一路朝宗會有期

行至金牛驛寄興元渤海尚書

李商隱

樓上春雲水底天五雲章色破巴箋諸生箇箇王公柳  
從事人人庾杲蓮六曲屏風江雨急九枝燈檠夜珠圓  
深慚走馬金牛路驟和陳王白玉篇

興州江館

李商隱

向蜀還秦計未成寒蛩一夜透窗鳴愁眠不穩孤燈盡  
坐聽嘉陵江水聲

放猿

仁裕從事漢中有獻小猿者憐其蹄慧育之  
名曰野賓經年壯大跳躑為患繫紅綃于頸

甯羌州志

藝文

卷五

詩

題詩以  
送之

五王仁裕

放爾丁甯復故林舊來行處好追尋月明巫峽堪憐靜  
路隔巴山莫厭深棲宿免勞青嶂夢躋攀應慙白雲心  
三秋松子纍纍熟任抱高枝採不禁

遇所放猿作

仁裕罷職入蜀行次漢江孺孺家廟  
前見一巨猴舍羣而前於道畔古木

閒垂身下顧紅綃宛在以野賓呼之聲聲  
如應立馬移時不覺怫然遂繼題一篇云

王仁裕

蟠冢祠前漢水濱飲猿連臂下嶙峋漸來子細窺行客  
認得依稀是野賓月宿縱勞羈繼夢松餐非復稻梁身



數聲腸斷和雲叫識是前時舊主人

次韻張季長題龍洞

宋陸游

我昔謁紫皇翳鳳驂虬龍俯不見塵世浩浩萬里空  
謫墮尙遠遊忽到漢始封西望接蜀道北顧連秦中  
壯哉形勢區有此蜿蜒宮雷霆自鞢鞞環玦亦瓊瓏  
石屋如建章萬戶交相通來者各有得盡取知無窮  
憑高三歎息自古幾英雄老我文字衰揮毫看諸公

曉發金牛

陸游

客枕何時穩恩恩又束裝快晴生馬影新暝拆花房  
沮甯羌州志

藝文

卷五

詩

十九

水春流綠嶓山曉色蒼阿瞞狼狽地千古有遺傷

大安病留半日王守復來招不往送酒解醒因小

飲江月館

陸游

江驛春醒半日留更煩送酒爲扶頭柳花漠漠嘉陵岸  
別是天涯一段愁

龍門

趙抃

盡道羣山甚可人更逢佳處愈難名初疑谷口連雲掩  
入見天心滿洞明怪石嶙嶙暉虎豹飛泉落落碎瑤瓊  
巍峩別有神仙路又得攀躋向上行



漢江源

明薛瑄

瑄

巨峽自天闢，峩峩蟠冢尊。迴環幽谷底，清淺漢江源。泉  
古通元氣，根深徹后坤。朝宗東去意，歷不廢晨昏。油巖  
在蟠冢淵野訥洞

金牛峽

薛瑄

巨峽三千里，天開幾萬年。泉飛林杪雨，雲合管中天。一  
水橋頻度，層崖石亂懸。梁州舊禹迹，謬矣五丁傳。

其二

昔自稱天險，如何鑿得開。五丁隨石下，萬里捲塵來。利  
甯羌州志

卷五

詩

下

害歲相伏興，亡數所催于。今成往事過，客且徘徊。

出連雲棧

楊慎

入關秦地盡，出棧蜀山長。樹迴雲隨馬，溪迴石作梁。巖  
花香未老，湖海路初償。不盡平生意，先看是廟廊。

金牛峽

向鐘

劍閣西南第一關，千年雄鎮萬重山。地連雲窟晴猶濕，  
路繞陰崖暑亦寒。幽鳥向人鳴古樹，落花凝露點征鞍。  
郵亭駐節追思處，丹桂秋高取次攀。

沔縣抵甯羌

伍福



驛騎曉驅馳長途涉修阻行窮漢水源望入蜀門樹連  
延白馬氏控扼金牛戍開山說五丁駐蹕憶先主巨峽  
留奇蹤荒榛遺舊壘怪石如轟刀怒瀑疑震鼓盤渦隱  
蛟龍巖穴棲豹虎橋架巖嶮崖泥滑曉嶠路經行老稚  
愁馱載羸驢苦咫尺限秦封尋常兼蜀語地瘠少桑麻  
人瘦係風土鋤山力倍勞讀書質尤魯跨刀腰曷離竹  
籠背恆負木剡制益孟桑剡事弓弩柴援作垣牆茅苦  
啟門戶家無白晷即閨鮮朱顏婦繁華昧生平質樸如  
太古昇平際此時安養得其所居山性自醇觀風我親  
覩雖云地勢偏允矣王化溥行行至甯羌煙鎖斜陽暮

甯羌州志

藝文

卷五

詩

二十一

金牛峽

陳昌言

千山落木下寒煙絕塞還疑蜀道偏暝色危旌搖嶺月  
沈沙衰草擁巒天身經百戰投戈後路入千盤叱馭前  
莫向玉關頻涕淚隴雲秦樹總堪憐

飛仙閣

陳昌言

高山多虎熊行者夜不止上有飛昇人云是赤松子

陽平

陳昌言

蘿衣明月上山高風不來嘉陵江水闊東望漢王臺



龍門洞

陳昌言

繫舟石門旁雙闕孤雲白風雷常晝起中有神龍宅

燕子河

陳昌言

燕燕化爲石飛破桃花色春風吹不休夢入烏衣國

浣石鋪

陳昌言

水鳴亂石中浣石如浣絮初平胡不起驅依羣羊去

蓮花池

王一鳴

冒雨披衣渡鳳橋偶乘清興向雲霄風搖柳浪洲連碧

水漾荷英地湧潮綺席聲陳青玉案鈞天樂奏紫鸞簫

甯羌州志

藝文

卷五

詩

二十二

浮生到處情堪適胸次悠然景物饒

武安八景

清溪環帶

源發自箭竹嶺從南山轉流之西自是而北而東復與南接其形如帶之環繞也

陳攷

一水潺潺澈底清千迴百折繞重城透迤恍許銀河轉

環拱渾如玉帶橫日射晴波涵畫閣風飄寒氣襲天棚

溶溶永護山垣固烽火無煙樂太平

滴水懸崖

州城三十里崖高數丈有泉四時飛噴如雪響音雁山谷

謝愷



怪石巉嵒擁碧空，雲邊倒挂玉玲瓏。泉珠滴破苔痕綠，霞錦烘成黛色紅。月斧鑿開新洞府，山靈幻出古崆峒。行人仰視如懸蓋，疑入層霄風雨中。

古觀晨煙

州東十里玉皇觀，煙霧晨鎖亭午方開。歲旱有禱，輒應。

陳孜

煙光浮動蕊珠宮，回首扶桑日未紅。暗逐曉風來縹緲，輕乘寒霧弄溟濛。數聲鐘磬層峰外，百尺樓臺翠靄中。豈是題詩丹嶂裏，朝來竟被碧紗籠。

天臺夜雨

州東四十里山頂如臺，勢凌霄漢。煙霧朝晴，夜恆作雨。

甯羌州志

藝文

卷五

詩

陳孜

山上煙雲作晚陰，怪他風雨夜來深。可憐孤館青燈裏，碎盡山鄉一片心。

前題

陳昌言

山中夜雨多，日落桃花暮。相逢雙女郎，忘却歸來路。

丙穴嘉魚

州南一百里，秋冬魚藏穴中。春夏時出，味美如鮓。詩南有嘉魚，傳云出河南丙

穴即此

謝愷

天開深穴漾清流，一種名魚自在遊。不是桃花春浪暖，漁人何處落金鉤。



龍洞仙桃

洞在州西百里內有石像天生石橋狀如龍流水入江旁生仙桃鮮妍甘美

謝愷

名山隱隱傍仙家  
流水橫橋白日斜  
深洞有龍恆作雨  
碧桃無主自開花

前題

陳孜

洞口桃花幾度新  
根含瑤島舊時春  
我來正值三千歲  
摘向金盤獻紫宸

蟠冢連雲

在金牛驛漾水所出禹貢蟠冢導漾即此山高百仞萬木參天上有禹王祠

王一鳴

甯羌州志

藝文

卷五

詩

山勢孤高聳翠巒  
遙天凝望碧雲端  
飛流燕尾迢迢落  
仄徑羊腸曲曲盤  
風送閒花黏客袖  
煙橫石岸隱漁竿  
飄飄我欲凌霄去  
一笑長空星斗寒

五丁涵照

州北三十里中互高嶺相傳為五丁開山處夕陽透入西崖色如金碧尚書甘

為霖題曰  
仄徑盤雲

陳孜

石峽懸崖聳九霄  
五丁鑿斷碧岩堯  
夕陽林外郵亭小  
深谷雲邊驛路遙  
鴉背翻金投壘雁  
行橫字過溪橋  
空山寂寂天將暝  
又落冰輪挂碧條

五丁峽

國朝王士正



南窮石牛道崑崙下雲棧三日招我魂足踣目獨眩豈  
知東蒼州耳目益奇變始過金牛驛樛葛已凌亂漾水  
從北來劣足泛鳧雁舉頭嶓冢山峩冠倚天半大哉神  
禹功從此導江漢漸入五丁峽譎詭駭聞見斗壁何猶  
猙十萬磨天劍攢羅列交戟茫昧通一線亂石殷峽中  
鮫蜃喜瀾汗仰眺絕圭景俯聆驚雷抃九鼎鑄神姦到  
此百憂患東方牧犢兒竟使蠶叢判我行忽萬里風土  
異鄉縣身落大荒西終賴皇天眷咄咄復何言艱虞一  
身賤

甯羗州志

藝文

卷五

詩

二十五

夜至黃壩驛短歌

王士正

氏道森沈十日雨石牀冥冥斷行旅洪濤殷地四山動  
百折盤渦噤難語前有蝮蛇後豺虎鴻鵠哀號奮毛羽  
吾生胡爲狎此曹命輕如毛爭一縷妻孥飄泊寄京國  
欲歸不歸在何許鄉關迴首四千里縱有辛苦誰告汝

女郎廟

王士正

朝過女郎道遙望女郎祠溪水疑環佩春山學黛眉千  
林丹橘熟一徑碧苔滋日暮神靈雨西風滿桂旗

大安驛

王士正



犖确三泉縣波隨一徑開江流沮口合風雨沓中來漢  
相經營地氏王駕馭才西窮嶓冢盡節使亦雄哉

雨度五丁峽

王士正

徼外番王國荒荒巨峽侵龍居三洞秘熊館四時陰  
馬何年度金牛此路深五丁虛斧鑿愁絕畏登臨

甯羌州

王士正

透遲辭 北闕浩蕩賦西征天險金牛峽悲歌猛虎行  
岷峨連雨氣沔漢走江聲三戶遺民少蕭條見廢城

甯羌夜雨

王士正

甯羌州志

藝文

卷五

詩

二十六

不信無晴日曾聞有漏天武都連夜雨巴子幾人船山  
入氏中亂寒臨熨道偏荒城聞鼓角回首意茫然

棧道平歌爲賈膠侯尙書作

宋 琬

君不見梁州之谷斜與褒中有棧道干雲霄仰手可以  
捫東井下臨長江浩汗洶波濤大禹胼胝恐未到帝遣  
五丁開神皋巨靈運斧地維坼然後南通巴蜀西羌髻  
虵盤縈紆六百里千迴萬曲緣秋毫懸車束馬弗可以  
徑度飛騰絕壁愁猿獠漢家留侯真婦女烈火一炬嗟  
徒勞噫嘻乎三秦之人困征戍軍書蠶午如蝟毛銜枚



荷戈戟轉粟窮脂膏估客爾何來萬里競錐刀須臾失  
足幾千仞猛虎蝮蛇資貪饕出險醜酒始相賀燐燐鬼  
火聞呼號泰運開尙書來恩如雨露威風雷一呼集毒  
鍤再呼伐薪柴醇醢澆山萬夫發坐看巉巖削盡爲平  
埃噫嘻乎益烈山澤四千歲火攻莫救蒼生災昔也商  
旅魚貫行今也不憂狼與豺昔也單車不得上今也康  
莊之途足以走連輦焚童巴舞貢天府桃笙賓布輸邛  
峽歌幽風擊土鼓賈父之來何晚哉豐功奕奕垂萬禩  
經濟不數韋臯才中朝袞衣待公補璿璣在手平泰階

甯荒州志

藝文

卷五

詩

西望劍閣高崔巍側身欲往空徘徊大書深刻告來世  
蛟龍岌業磨青崖金穿石泐陵谷徙我公之功不與伏  
波銅柱同塵埋

賈中丞名漢復平險爲夷因作歌以頌之歌勒於觀音碣崖石上

賈大司馬修棧歌

梁清寬

君不見棧道高去天尺五馬盡縮足人咸偃山前白骨  
野火燐江岸積骸泣無主中丞巡邊心惻然濬川煉石  
何今古誰云天險不可移五丁曾爲施巨斧積薪一炬  
石爲坼錘鑿既加如削腐隘者已闕岫者平冠蓋利涉  
雜商賈昔日百里無人煙行役更多豺虎苦中丞極意



盡經營伐木成棟茅作宇鳳嶺雞關似坦途中夜酣愁  
爲安堵回車不用愁王陽開關功足補大禹吁嗟乎天  
下險阻甯止此人心巉巖難悉數對面戈矛不可避翻  
手爲雲覆手雨吁嗟乎安得中丞此大力盡平世間嶮  
巖之處長無迂

梁州

呂履恆

蜀道天難上梁州路已遙岷嶓蟠北戒江漢導南條落  
日七盤嶺晴天萬里橋獨留懷古意歌哭未能消

蟠冢連雲

黃彝

甯羌州志

藝文

卷五

詩

二十八

漢水源頭出此山禹王西濬力躋攀嵯峨萬仞雲煙外  
迢遞三秦指顧閒西望劍門烽火息東聞棧道虎符閑  
雲梯借與清修士穩步鵬程覩 聖顏

大安驛

鄭緒章

舊地三泉湖昔年凋殘破驛冷荒煙雲封熊館蠶叢暗  
雪壓龍門閣道懸巴子有船多激澶羌人恒業但燒田  
而今三戶遺民少滿目蒼涼一概然

五丁關

鄭緒章

五丁關上碧雲寒百尺懸梯陟降難惡雨欲將龍耳割



看山不愛虎牙攢當年力士蠶叢判此日金牛驛路寬  
禹版梁州通貢久浪傳合作子虛觀

嘉陵渡口即景

周書

江干春旖旎晴快偶經過楊柳依山盡天桃夾岸多酒  
帘分野色花攜出巖阿應有高人躡埋名隱薜蘿

由漢中至甯羌途中雜書所見得小詩八首

周有聲

桑柘陰陰綠樹參平田漠漠碧流涵秦關是處誇天險  
風物誰知有漢南

甯羌州志

藝文

卷五

詩

漢水東流繞郭斜清波遙接洞庭槎老夫可惜歸無日  
倘泛輕舟易到家

已見鳴機婦織勤紡車新製又同分一時兒女還誇說

曾向閨中拜小君

謂嚴樂園太守夫人

門裏喧喧雜誦聲村童相率效咿嚶兒時也抱殘書本  
此境回頭似隔生

飛仙嶺路鬱孱顏丞相雄師駐此間大丙龍門誰識得  
逢人先問定軍山

七盤徑仄走嶙峋山下飛泉激箭頻好作嘉陵江上水



莫將波浪恐行人  
橋傾恰有樹臨水山斷剛逢路繞村便乞營邱成畫稿  
青天頂上我曾捫  
他鄉風物見猶頻招隱淮南句尙新一笑故山非我有  
不知猿鶴怨何人

至甯羌奉贈嚴樂園太守

陶澍

茱萸江上竹籬居記得兒時遊客車舊雨每懷天際路  
春風曾讀別來書五丁峽裏新通屐二酉山前小結廬  
猶有同舟佳詠在華燈重爲付抄胥

甯羌州志

藝文

卷五

詩  
三下

大安驛

張問陶

地敞三泉縣羣峰繞畫屏煙浮樵爨白雨止稻畦青樹  
色籠潭毒關溪聲走鼉靈壯懷誰可說舉酒酌山庭

大安阻雨

張問陶

雨氣千山黑溪流一夕黃關河人慄慄燈火晝茫茫淫  
潦成風俗蛟鼉不遁藏生涯真濩落愁對武都羌

雨後過五丁峽

張問陶

一髮坵青冥蟻路何纖微我行新雨後耳目攢靈奇蛟  
螭突兩崖牙角森鬚鬚懸流爭赴壑轟轟若萬馬嘶疲羸



盤澗底怒浪吞腰圍百指競推挽出沒浮鳧鷖迴梯真  
暗踏肅肅如銜枚急瀑奔大石突兀來元龜頓忘五丁  
峽恍惚穿巫夔雄關據山凹宛在水中坻憑關招我魂  
彷彿聞子規那堪滴水巖南傾勢益危石室嵌路側白  
日虬龍垂濤聲下千折人馬隨之歸羃羃迸珠泉蒙頭  
飛散絲居然墮江海不復驚嶮巖出峽聚牛宮僮僕紛  
燎衣舉酒息腰腳漸覺形神怡衆險一朝盡吾生猶可  
爲轉頭失惡夢何事噫吁噫

甯羌州

張問陶

甯羌州志

藝文

卷五

詩

不過金牛峽安知此路平亂峰猶簇擁數畝忽縱橫柳  
暗魚鳧國花明羊鹿坪連朝山雨足時有叱牛聲

壬戌祠

在青羊驛祀  
水土之神

張問陶

石瘦新田薄泉香古澗清禹功留野祭羌俗重山耕畫  
壁靈旗澹迎貓臘鼓輕遠遊畏饑渴逐處望秋成

熊介茲題予己酉庚戌棧道詩有云搜盡山川奇  
句出聽殘風雨客愁來二語沈雄可愛入棧後  
時時誦之四月十七日宿大安驛作五律四章

奉懷

時介茲亦乞假  
由常州歸廣西

張問陶



秦隴搜奇句重來苦未休山靈驚舊夢海氣接離愁蜀  
鳥雲中樹蠻煙嶺外州還鄉皆萬里看月當同遊  
口急當吳語詩愁近楚詞當筵常夢嚙好肉亦情癡拜  
舞腰圍重招搖病態奇疏狂隨處見此意最相思  
記否聯吟處松筠古佛前夢中憐百粵塵外話三川對  
酒成今昔飛鴻忽後先輸君惟一事陽羨有新田  
一點蘆溝月相隨又入關別君無百日知我度千山索  
米羌童小窺人木魅閒近知天上樂沈醉白雲閒

四月十八日宿柏林驛枕上作

張問陶

甯羌州志

藝文

卷五

詩

三十三

四山圍住月黃昏猿鳥兒童聚一村燈逼氏羌疑鬼域  
風騰牆壁鬧雞豚更無好夢來塵榻時有荒雲擁店門  
卻憶去年今日事瑤宮授簡拜  
新恩去歲四月十八日圓明園觀  
試

夜發大安驛趨黃壩

張問陶

燈火穿林夜悄然馬蹏歷亂渡三泉秦人何苦通巴蜀  
萬古青山哭杜鵑

亂山還要五丁開攬轡如登百丈臺猶有雞聲催曉月  
破空飛雨忽東來



行盡氏羌更百蠻鄉雲明日七盤關西師可抵歸人勇  
風雨兼程十萬山

入七盤關宿轉斗鋪即事

張問陶

入關才笑子規聲便有鄉人識姓名歸路可憐山亦好  
來時曾記雪無情煙霞跌宕知何日婚宦流連慣遠征  
此去若逢嚴僕射浣花溪上小經營

竹垞

張問陶

訛黑山人屐零星野戍花數峰迎面直一徑繞天斜看  
竹宜塵外穿林忽水涯今宵沽酒處燒筍定誰家

甯羌州志

藝文

卷五

詩

三十三

論農詞

嚴如煜

民生在勤儉山農愚不知凶荒實可畏聽我論農詞南  
山古陸海地腴五種宜上農不須糞收穫多逢時豐年  
荷天錫菽麥長離離種一收屢百堆積如梁茨課輕國  
賦少荒墾佃租微以此賤嘉穀往往生淫思燒鍋滿村  
落成羣酣酒卮社火與影戲徹夜事遊嬉或者呼盧梟  
一擲拚家貲又或爭牙角百金構訟辭甚至飼猪豕蒸  
穀望速肥天物恣暴殄召殃復何疑况乃山土薄石骨  
本嶮巖三年爲沃壤五載已地皮雨暘偶失節顆粒難



豫期平川人飽食山民傷阻饑東鄰絕朝糗西家斷暮  
炊蕨根野蒿菜青汁流泥匙稱貸向親友同病攢雙眉  
空腹不能耐鬻賣及妻兒迴思歲方富肥甘供朶頤何  
知遵此閔柴立骨難支先民崇澹樸儉者福之基文王  
西方伯田功服還泉舉耜四之日穡事孰敢遲男耕婦  
女饁胼胝不言疲倉箱雖盈積服食並無糜餘三至餘  
九旱潦能撐持有豐必有嗇當安常念危爾不勤與儉  
酸辛更怨誰我軫爾民苦我憐爾民癡編此鄙俚語警  
戒比農師願改侈惰俗共躋唐魏詩

甯羌州志

藝文

卷五

詩

三十四

勸桑行

楊名颺

卒歲無衣怎樣好幽風自有蠶桑道綺羅豈是天孫裁  
全在人工勤織造但匪箕星先降靈西陵元妃也虛禱  
號寒雪夜空悲遲勸爾栽桑要及早下蟻滿連不厭多  
祇愁秧種播來少盤條最愛春分嫩採甚須知芒種老  
必待多錢購美田空空赤手向誰討路旁牆下隨意蠶  
一片荒郊綠雲遶休說農功百日忙何堪他務又纏繞  
不思種樹須臾事信手拈來春一杪一杪春分辨不真  
三年忽見翠煙裊懿筐摘下置門前榆莢銖銖俱是寶



禾黍盈疇待雨濡偶爾愆期苗則槁柔枝卻是耐寒暄  
花信一番青未了服賈牽牛客異鄉杜鵑頻喚心懊惱  
看他十畝閑閑者攜取雙柑聽黃鳥蒔竹養花徒費神  
青黃不接命奚保蠶繭上簇葉增價未賣新絲腹已飽  
歲有常供賦莫逃食租便得完糧草拔茶祇爲桑無稅  
戶外催科人不擾諸葛遺留八百株子孫遂卜無饑疢  
十家但植三千本杼柚可勝晝夜絞莫笑我言見效迂  
他時獲利纔分曉清風兩袖攜不去餘蔭依然在林表

飛仙嶺

李念茲

甯美州志

藝文

卷五

詩

危棧轉山腹飛閣被崇巒旭日斜高照檐楹沃且丹微  
徑循石脊曲折如蟲緣我行隨他人不得窮躋攀憶昔  
出函谷方春捫玉蓮繫屐玉女峰酌酒天池邊西顧雪  
嶺白東望滄溟寬萬里在胸臆夜宿青雲端胡爲年齒  
暮以遭俗累牽妻子亦何人驅我數往還誓歸斷黃絹  
一食生羽翰

嘉陵秋漲

諸保宥

何處聞風雨江流觸石聲終當到東海鯨背看潮生

夜度七盤關

楊芳



烽燧傳來接 帝京焦心日日盼軍情足閒邱壑隨高  
下胸次康莊自坦平鴉翅寒聲秋半夜馬頭殘夢月三  
更雲飛棧閣旌旗捲敢以身爲萬里城

七盤關

金玉麟

迴首開明霸業空臥龍躍馬各英雄界分秦蜀鴻溝截  
險扼河關鳥道通灘有潛蛟晴作雨山多伏虎晝生風  
小心歷盡崎嶇路到此茫茫恨莫窮

黃壩驛

金玉麟

週遭古木隱旗亭故遣疲羸處處停山色溪流分不斷  
甯羌州志

藝文

卷五

詩

灣迴七十二盤青

迴水河曉發

金玉麟

不覺羊腸險連朝策蹇羸近家歸夢便畏暑夜行多壞  
路撐孤石懸流漲野河金錢勞問卜消息竟如何

滴水鋪

金玉麟

五丁關勢聳嵒峻竹枝芒鞋取次登雕影不離晴漢迴  
馬蹏高踏亂雲層風搖懸瀑飄疑雨雪壓寒流暈作冰  
靈藥滿山孤寺靜此中應有百年僧

五丁關

金玉麟



岳勢嶒嶸聳建瓴晴空登眺俯高坳雪封蜀嶺諸天白  
山掃秦關大地青蛇引路開原有數牛因金好亦通靈  
興亡併入春鷓恨啼血千年怨五丁

金牛峽

金玉麟

青山互掩翠初疑無路通緣石度曲瀾勢與九折同在  
昔利得蜀奇謀賺英雄乃命五丁子闢路開鴻濛左右  
植屏障珠玉拋玲瓏人力鑿混沌天亦難爲工至今數  
千年扼要當巴賓驅馬一再過時如行甕中奇境亂聞  
見耳目輒曠龔洞古自笙磬天晴猶雨風絕險素所嗜  
甯羌州志

藝文

卷五

詩

三十七

探挹欣無窮回首忽感喟往蹟羅心胸泥丸事慷慨石  
鏡光朦朧後來王孟輩迭起如飄蓬迄茲大一統險阻  
俱無庸杜鵑更何與寂寂山花紅

烈金堡

金玉麟

萬戶如棋遠近羅夕陽一角下平坡田皆石壤西成少  
地雜羌氏左衽多嶓冢插天遙秀削漢源行地渺煙波  
野賓久作神仙侶漫著芒鞋叩薜蘿

大安驛元夕

金玉麟

徹夜笙歌繞酒樓爲春權與小句留蓮花新樣宮燈照



馬上紅粧作隊遊

亂峯羣山送夕曛長空抹碧淨無雲二分明月三分雪  
添補春燈到十分

陽平關紀事

況瀚

山水闢佳境天然畫一軸我有山水癖茲遊遂所欲流  
覽慰生平登臨豁雙目遊興正濃酣支筇愁單獨父老  
兩三人追隨共馳逐與我爲伴侶殷殷情何篤雜坐豆  
花棚笑談訴衷曲尙論古今事一一爲我述此地本梁  
州民風原渾穆上湖白馬氏坪本名羊鹿又隸興元府

甯羌州志

藝文

卷五

詩

三九

秦隴均曾屬文獻尙可徵載籍翻篇牘形勝古今傳盛  
極衰所伏紛爭迄於今風氣尙質樸性情半剛柔語言  
雜秦蜀時令送南天炎威暑不酷嚴寒未凝冰河流細  
生穀瓜果備四時花草多繁郁芳蘭皆報春梔子競芬  
馥三春桃柳濃初夏櫻桃熟枇杷豔綻金榴紅似錦簇  
七月正食瓜沁脾祛暑溽丹桂香更濃東籬燦黃菊時  
方屆初冬纍纍垂金橘不特恣幽賞香甘飽我腹山男  
加倍勞地土鮮肥沃飲食粗糲多豐歉視包穀晨餐雜  
豆漿間亦種梁菽稻糧既不多亦復鮮黍粟縱有小康



家錚錚玉米粥冠裳既已稀未見鮮衣服平日不居喪  
縞素將頭束負戴有斑白背籠細編竹葫蘆處處煙臺  
薦家家褥男乏美少年婦鮮顏如玉疾病亦何常風寒  
有感觸醫固少精良妙不事藥物巫覡號端公不識拜  
何佛鑼鼓與金鏡噉嘈響一宿勿藥占有喜遂謂能祈  
福愚民誠可欺彼固神其術興言及倫常澆漓成風俗  
如何同氣親重利輕骨肉異姓亦承祀爭產傷和睦分  
居多季昆未聞詠鄂不惟薄話閨幃不盡修邊幅詩吟  
闕於牆易占輿脫輻錮蔽日已深恬然不爲辱君子不

甯羌州志

藝文

卷五

詩

三十九

忍聞敢向尊前瀆嗟哉我鄉民詩書永曾讀莫謂民不  
良偏隅鮮教育莫謂地偏頗賢才曾傑出欷歔長太息  
悲風響林木疏林下夕陽晚風迎面拂父老各言歸康  
強使君祝我亦扶杖藜歸詠應山谷憶昔作宦遊平居  
常鬱鬱奔走二十年得意惟是役登眺多餘閒優游歲  
將卒拈韻且謳吟暫展眉頭感剪韭更烹魚春甕開醅  
醪醉後誦南華日高睡未足栩栩夢莊周蝴蝶翩翻入  
幻境天地寬心旌乍飄忽居然還故鄉何時居曾卜奉  
母隱是閒獨秀認山麓詩誦杜拾遺書法顏光祿暢然



情悅怡世事任清濁一枕熟黃梁雞聲驚嗟嗟醉眼啟  
矇矓神魂猶恍惚坐起翹首觀山青水仍綠

壬午季秋承乏武都赴鄉查驗義穀親歷層巖疊

嶂如入畫圖其幽險處實生平所未見歸途口

占紀之以詩

馬毓華

我家楊子江邊住日送江流東海去宦遊直溯江之源  
一水上窮秦楚路秦中山水漢南奇蟠峯尤爲最高處  
竭來承乏到巖疆坐對林巒足幽趣羌情樸陋古已然  
司牧驟難繩禮數不才況復如鰥生撫此慷慨朽索馭

甯羌州志

藝文

卷五

詩  
四十一

層巖疊嶂太崎嶇百里中平無百步可憐地瘠民更貧  
何堪雀鼠公庭訴今歲包穀幸豐收男婦家家餘粟布  
及時正好積千倉益寡哀多非過慮惜乎此意曉人難  
蚩蚩之氓迷未悟辱焦舌傲不憚煩更歷鄉閭勤勸諭  
親見奇峰萬丈高飛泉直瀉懸空注如斯險峻本天成  
儲積果充吾圉固作歌敬告此邦人圖賈於豐謀貴豫

五丁關懷古

董春華

君不聞女媧鍊石曾補天又不記巨靈太華劈當年天  
尚可補華可劈誰云陵谷難變遷長房有術能縮地精



衛岫石海欲填地尙可縮海可填豈有天梯石棧竟聽  
終古相鉤連在昔蜀道本與中原隔叢山難鑿石難鞭  
疇能運此神通力頓使坤轉而乾旋秦人慕其地地阻  
山莫穿乃以石牛糞金相誇耀姑妄言之姑妄傳孰意  
蜀主貪且愚竟命五丁帥其徒一朝險徑闢千里陰崖  
絕壑成坦途蓋天不欲天府國終令聲教阻一隅生彼  
奇人割奇局顯斯名勝與名都此乃天心人事功相半  
開闢鴻勳千古冠不然荒郊蔓草尙難圖奇峰突兀如  
何斷賴此經營生面開懋遷有無通往來我遊此十年  
甯羌州志

藝文

卷五

詩

四十一

者再征商登壘時徘徊吁嗟乎在山之險猶易闢人心  
之險殊難回安得五丁力士今再出剗盡天下奇險不  
使留纖埃



雜記

漢高帝元年冬十月五星聚於東井

高后三年夏漢江溢漂四千餘家 八年夏漢江溢漂  
六千餘家

文帝後元二年四月乙巳水木火三星合於東井

魏志張魯傳曰建安二十年太祖自散關出武都征張  
魯至陽平關魯欲舉漢中降其弟衛不肯率眾數萬  
人拒關堅守

魏名臣奏載董昭表曰武皇帝承涼州從事及武都降

甯荒州志

藝文

卷五

雜記

四十二

人之辭說張魯易攻陽平城下南北山相遠不可守  
也信以爲然及往臨履不如所聞乃歎曰他人商度  
少如人意攻陽平山上諸屯既不時拔士卒傷夷者  
多武皇帝意沮便欲拔軍截山而還遣故大將軍夏  
侯惇將軍許褚呼山上兵還會前軍未還夜迷惑誤  
人賊營賊便退散惇乃還白武皇帝進兵定之幸而  
克獲

魏志武帝傳曰建安二十年秋七月公至陽平張魯使  
弟衛與將楊昂等據陽平關橫山築城十餘里攻之



不能拔乃引軍還賊見大軍退其守備解散公乃密遣解慄高祚等乘險夜襲大破之斬其將楊任進攻衛衛等夜遁

魏書曰軍自武都山行千里升降險阻軍人勞苦公於是大饗莫不忘其勞

魏志武帝傳曰建安二十四年夏侯淵與劉備戰於陽平爲備所殺三月王自長安出斜谷軍遮要以臨漢中遂至陽平備因險拒守夏五月引軍還長安

郭沖三事曰諸葛亮屯於陽平遣魏延諸軍并兵東下

甯荒州志

藝文

卷五

雜記

四十三

亮惟留萬人守城宣帝率二十萬衆拒亮而與延軍錯道徑至前當亮六十里所偵侯白宣帝說亮在城中兵少力弱亮亦知宣帝垂至已與相偪欲前赴延軍相去又遠回迹返追勢不相及將士失色莫知其計亮意氣自若勅軍中皆臥旂息鼓不得妄出葦幔又令大開四城門掃地卻灑宣帝常謂亮持重而猥見勢弱疑其有伏兵於是引軍北趨山明白食時亮謂參佐拊手大笑曰司馬懿必謂吾怯將有疆伏循山走矣候邏還台如亮所言



晉武帝咸甯三年六月漢中暴水殺人九月又大水  
穆帝永和十年十一月月掩填星在輿鬼 升平元年

春太白入東井

哀帝興甯三年七月歲星犯輿鬼

簡文帝咸安二年六月乙酉太白犯輿鬼

孝武帝甯康三年六月癸卯太白犯東井 十一年三

月戊申太白晝見在東井七月又晝見輿鬼 十五

年漢中大水

安帝隆安元年四月丁丑太白晝見在東井五月武都

甯羌州志

藝文

卷五

雜記

四十四

郡前水中白龍升天 四年十月梁州有馬生角

南北朝宋文帝元嘉七年六月熒惑犯東井輿鬼 八

年五月太白犯天關東井六月庚子熒惑入東井八

月乙未熒惑犯積尸十月丙辰月掩天關東井 十

年仇池氏寇漢中梁州失戍

通志

魏孝靜帝元象三年六月太白入東井 興和元年二

月壬子火犯井四月又入鬼 四年七月壬午火木

合於井相去一尺 武定五年正月乙巳月犯東井

通志



隋文帝開皇八年二月庚子填星入東井

煬帝大業二年二月己丑彗星見東井

恭帝義甯二年三月丙午熒惑入東井

唐高祖武德元年七月丙午填星太白辰星聚東井

二年三月丙申填星太白復聚東井九月庚寅熒惑

守五諸侯 六年七月癸卯熒惑犯輿鬼 九年五

月太白晝見六月丁巳經天

武后垂拱元年四月癸未辰星犯東井九轅 四年六

月丁亥朔日蝕東井二十七度

甯羌州志

藝文

卷五

雜記

後梁少帝龍德二年十月彗星見輿鬼

宋太祖建隆二年五月己丑歲星犯東井 三年四月

壬辰月犯輿鬼 乾德三年八月辛酉老人星見

高宗建炎三年八月癸丑熒惑入鬼積尸 二十八年

正月辛未月入東井是歲凡五二月癸丑熒惑順行

犯輿鬼六月丙申漢沔及大安軍大雨水流民廬壞

橋棧死者甚衆

光宗紹熙 二年七月癸亥嘉陵江暴溢興州圮城門

郡獄官舍凡十七所漂民居三千四百九十餘家大



安軍皆水八月庚寅熒惑入鬼犯積尸氣丁未熒惑入東井鳳州亡麥

理宗紹定三年六月乙酉歲星順行入井十一月丁未歲星退行入井 四年春漢上大饑 正隆三年二月

月己卯熒惑入井 五年二月地震 元世祖至元元年七月甲戌彗星出與鬼昏見西北邑

見東北凡四十餘日 順宗至正二十八年六月地震十月辛巳地又震

明太祖洪武四年陝西旱饑漢中尤甚 五年六月大

靈州志

藝文

卷五

雜記

雨暴溢巨木蔽江而下抵南岸憲副暨守備取之創修文廟 十二年夏四月庚申日月交暈 十七年

春中梁山產靈芝二本 成祖永樂十四年五月庚申漢水漲溢淹沒公私廬舍

無存 宣宗宣德元年旱 三年又旱 六年夏四月有星孛

於井

英宗正統元年秋九月白虹貫日狼星動搖 七年饑

孝宗宏治十年甯羌州修學宮忽得石板一窖天然方



平不勞椎鑿衆皆異之 十五年夏六雨傷禾民多  
疫 十七年夏旱秋雨雹傷稼

莊烈帝崇禎元年三月二十五日五鼓全陝天赤如血  
巳時漸黃日始出

國朝順治十一年五月初八日夜地震搖拽如蕩舟屋瓦  
飛落牆垣傾塌次日復動累月不息

康熙元年六月大雨六十日 三年正月川督李國英  
報西安將軍傅哈禪副都統杜敏會同提督進勦蜀  
中巨寇於二年十二月二十三日師次陳家坡奮勇

甯羌州志

藝文

卷五

雜記

四十七

勦殺賊遁入天池寨杜敏等統兵進勦劉二虎勢窮  
自縊郝搖旂袁宗第夜遁杜敏等復追至黃草坡大  
敗賊衆擒郝搖旂袁宗第並偽晉王朱宗漢等 十  
三年三月西安將軍瓦爾喀等敗吳逆偽總兵葉某  
克復陽平關五月安西將軍葉赫等自漢中抵七盤  
關破賊於關口及種子鋪山下進抵朝天關敗吳逆  
偽總兵石存禮於劉閣鋪山下復朝天關九月川督  
周有德報偽將軍何德成自昭化赴二郎關欲截糧  
餉官兵擊敗之擒偽都司賀騰龍十一月陝西督哈



占報參將陳應奎等夜襲賊於甯羌州十二月經略  
莫洛言廣元大兵缺餉兩月略陽糧艘爲賊所劫賊  
又屯聚七盤朝天諸關餉道梗塞

上命

速赴七盤朝天等處會將軍席卜臣勦賊疏通餉道尋  
總督哈占言蜀中水陸阻賊糧運難繼且賊窺伺陽  
平

上命

貝勒董額經略莫洛等撤兵回廣元再圖恢復癸巳陝  
西提督王輔臣兵叛於甯羌經略莫洛遇害大將軍  
貝勒董額退保漢中 十八年十一月趙良棟復略

甯羌州志

藝文卷五

雜記 十八

陽尋復陽平關雷雨四十日大水漂沒民居 四十

二年府屬南袁沔等七州縣被水

嘉慶二三年至六七年間經略額參贊德兩大帥勦除  
教匪各當一面多在四川通江巴州廣元一帶大山  
賊急則折回漢中等處帥營相距恆數十里亦有時  
合營共勦各軍同一勇捷使賊不得片刻息喘生擒  
賊首齊二寡婦高三馬五諸大股往來多至甯羌或  
奔竄或生擒所向無不尅捷野老猶能指其地 二  
年教匪齊二寡婦自東路羅村壩屯州之東山寺南



河壩彼時德參贊恆將軍官兵駐紮教場壩黎家壩  
兩處會合追趕由天台山下至二郎壩入漫川壩竄  
至川境 六年教匪高三馬五在州東鐵鎖關漏風  
壩一帶焚掠額經略楊提軍殺賊大捷部下馬騰龍  
生擒首逆高三是役也殺賊三百餘人賊魁馬五由  
是敗死餘衆逃散 十五年客民張世鳳妻趙氏一  
產三男 十九年賊首龔貴由黃官嶺經鐵鎖關至  
大安鎮殺斃百姓數十人前鳳縣華州知州劉率領  
鄉勇會同本營遊擊林向榮帶兵追趕賊由大安導  
嶺溝竄入略陽境

甯羌州志

藝文

卷五

雜記

四十九

同治三年兵燹之後饑饉因之斗米價值兩千五六百  
文雜糧亦一千四五百文奉憲派員赴順慶地方買  
米由船運至陽平關轉運至州減價平糶凡九閱月  
全活甚多

光緒三年全秦大饑甯羌雖稍輕斗米已值一千三四  
百之譜知州何福奎勸諭富民輸粟貧者每名月給  
三升就近走領自正月起四月止法亦良善 五年  
五月初十日未刻地動十二日寅刻有聲發於地下



如大風然俄而地震半刻許始止境內雖未壓斃人  
畜而攤塌之牆飛落之瓦歪斜之屋不一而是



